

龍文鞭影

卷之一

一東

粗成四字，誨爾童蒙。經書暇日，子史須通。  
重華大孝，武穆精忠。堯眉八彩，舜目重瞳。  
商王禱雨，漢祖歌風。秀巡河北，策據江東。  
太宗懷鶴，桓典乘驄。嘉賓賦雪，聖祖吟虹。  
鄴仙秋水，宣聖春風。愷崇鬥富，渾濬爭功。  
王倫使虜，魏絳和戎。恂留河內，何守關中。  
曾除丁謂，皓折賈充。田驕貧賤，趙別雌雄。  
王戎簡耍，裴楷清通。子尼名士，少逸神童。  
巨伯高誼，許叔陰功。代雨李靖，止雹王崇。  
和凝衣鉢，仁傑藥籠。義倫清節，展獲和風。  
占風令尹，辨日兒童。敝履東郭，粗服張融。  
盧杞除患，彭寵言功。放歌漁者，鼓枻詩翁。  
韋文朱武，陽孝尊忠。倚閭賈母，投閣揚雄。  
梁姬值虎，馮後當熊。羅敷陌上，通德宮中。

二冬

漢稱七制，唐羨三宗。杲卿斷舌，高祖傷胸。  
魏公切直，師德寬容。禰衡一鶚，路斯九龍。  
純仁助麥，丁固夢松。韓琦芍藥，李固芙蓉。  
樂羊七載，方朔三冬。郊祁並第，譚尙相攻。  
陶違霧豹，韓比雲龍。洗兒妃子，校士昭容。  
彩鸞書韻，琴操參宗。

三江

古帝鳳閣，刺史雞窗。亡秦胡亥，興漢劉邦。  
戴生獨步，許子無雙。柳眠漢苑，楓落吳江。  
魚山警植，鹿門隱龐。浩從床匿，崧避杖撞。  
劉詩瓠覆，韓文鼎扛。願歸盤谷，楊憶石涼。  
駑名克敵，城築受降。韋曲杜曲，夢窗草窗。  
靈徵芻狗，詩禍花尨。嘉貞絲幔，魯直彩缸。

四支

王良策馬，傅說騎箕。伏羲畫卦，宣父刪詩。  
高逢白帝，禹夢玄彝。寅陳七策，光進五規。  
魯恭三異，楊震四知。鄧攸棄子，郭巨埋兒。  
公瑜嫁婢，處道還姬。允誅董卓，玠殺王夔。  
石虔矯捷，朱亥雄奇。平叔傅粉，弘治凝脂。  
伯俞泣杖，墨翟悲絲。能文曹植，善辯張儀。  
溫公警枕，董子下帷。會書張旭，善畫王維。  
周兄無慧，濟叔不癡。杜畿國士，郭泰人師。

伊川傳易，覺範論詩。董昭救蟻，毛寶放龜。  
乘風宗慤，立雪楊時。阮籍青眼，馬良白眉。  
韓子孤憤，梁鴻五噫。錢昆嗜蟹，崔諶乞糜。  
隱之賣犬，井伯烹雌。枚皋敏捷，司馬淹遲。  
祖瑩稱聖，潘嶽誠奇。紫芝眉宇，思曼風姿。  
毓會竊飲，諶紀戎糜。韓康賣藥，周術茹芝。  
劉公殿虎，莊子塗龜。唐舉善相，扁鵲名醫。  
韓琦焚疏，賈島祭詩。康侯訓侄，良弼課兒。  
顏狂莫及，山器難知。懶殘煨芋，李泌燒梨。  
幹樞楊沛，焦飯陳遺。文舒戒子，安石求師。  
防年未減，嚴武稱奇。鄧雲艾艾，周曰期期。  
周師猿鵠，梁相鶴鷗。臨洮大漢，瓊崖小兒。  
東陽巧對，汝錫奇詩。啓期三樂，藏用五知。  
墮甌叔達，發甕鍾離。一錢誅吏，半臂憐姬。  
王胡索食，羅友乞祠。召父杜母，雍友楊師。  
直言解發，京兆畫眉。美姬工笛，老婢吹篳。

#### 五微

敬叔受餉，吳祐遺衣。淳于竊笑，司馬微譏。  
子房辟穀，公信采薇。卜商聞過，伯玉知非。  
仕治遠志，伯約當歸。商安鶉服，章泣牛衣。  
蔡陳善諳，王葛交饑。陶公運甓，孟母斷機。

#### 六魚

少帝坐膝，太子牽裾。衛懿好鶴，魯隱觀魚。  
蔡倫造紙，劉向校書。朱雲折檻，禽息擊車。  
耿恭拜井，鄭國穿渠。國華取印，添丁抹書。  
細侯竹馬，宗孟銀魚。管寧割席，和嶠專車。  
渭陽袁湛，宅相魏舒。永和擁卷，次道藏書。  
鎮周贈帛，慮子驅車。廷尉羅雀，學士焚魚。  
冥鑿季達，預識盧儲。宋均渡虎，李白乘驢。  
倉頡造字，虞卿著書。班妃辭輦，馮誕同輿。

#### 七虞

西山精衛，東海麻姑。楚英信佛，秦政坑儒。  
曹公多智，顏子非愚。伍員覆楚，勾踐滅吳。  
君謨龍片，王肅酪奴。蔡衡辨鳳，義府題烏。  
蘇秦刺股，李勣焚鬚。介誠狂直，端不糊塗。  
關西孔子，江左夷吾。趙抃攜鶴，張翰思鱸。  
李佳國士，聶憫田夫。善謳王豹，直筆董狐。  
趙鼎倔強，朱穆專愚。張侯化石，孟守還珠。  
毛遂脫穎，終軍棄繻。佐卿化鶴，次仲爲烏。  
韋述杞梓，盧植楷模。士衡黃耳，子壽飛奴。  
直筆吳兢，公議袁樞。陳勝輟錘，介子棄觚。

謝名蝴蝶，鄭號鷓鴣。戴和書簡，鄭俠呈圖。  
瑕丘賣藥，鄴令投巫。冰山右相，銅臭司徒。  
武陵漁父，閩越樵夫。漁人鷓蚌，田父[狡兔]盧。  
鄭家詩婢，郝氏文奴。